

РУСКИ НОВИНИ

ЗА РУСНОХ У КРАЉОВИНИ СХС

Рок IV. | Нови Сад, штварток 10. новембар 1927. | Ч. 44 (151)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
послаћ на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Одказз треба почац?

Шпоровносц важна чеснота як у живоце поединого человека так и його обийсца. Бо котри человек, хоч не знам як вельо зарбя а не зна зачувац, нігда не будзе ніч мац. Як народ цені шпоровносц виражує у своїх присловкох: Зарно до зарно погача, камень на камень палата. Шпоровносц потребна особено у державним газдовству. Ніч народ так не мержи як кед видзи, же ше його добро, котре вон кирвавим знойом приобрил росипує. Нешка ше вельо бешедує о шпорованосци зглядом на державни финансиї, але по при шицким тим слабо ше шпорує. За шпоровносц потребно не лем сц е ц, але треба и знац. А того при нас нет. Шпорує ше на динару а троша ше и розруцюю милиони. Шпорує ше на найменьших и найхудобнейших, же би маєтти ище вецей достали. Започало ше одзадку и з долу место спредку и згору. Найперше нашо народни посланици навалели на народни хрибет еден бюджет од 13 милиярди динари, а вец, кед народ под нїм почал здїхац, теди го почали зменьшовац. Але як? Найперше редуцирали бидних инвалидох, воєни гдовици и широти. Дали им тельо да не можу жиц ані умрец. — Вец добре пришла поплава и вона послужела як причина, же могли одняц званічником 10% од їх и так слабей и малей плаци. Поплава уж давно преста-

ла а званічници вше ище помагаю „поплавленикох“. Нашо народни посланици не указали тельо любвигу тим „поплавленим“, же би дацо и од своєй плаци офировали, а тот плаца виношує 9.000 динари мешачно або 300 динири на дзень, не рахуюци, же кажди од нїх ма ище и друге званіє. Цо вецей, кед нешкайши министр финансиїох сцел их присиловац и зменьшац їх дивурни, теди дзвигли лярму, же то не парламентарно. А нетреба забуц, же нашо народни посланици — котрих ест 315 — дзвигаю найвекши дивурни у Европи. На приклад посланик у Францускей достава рочне 89.000 динари а наш 109.500 динари. Не треба забуц и то, же медзи тима посланиками ест превельо таких по ніч не робя, бо ніч ані не знаю робиц. Вони пришли до парламенту бо знали добре кричац, бо их прицагли дивурни од 9.000 динари мешачних. Державне шпороване муши ше почац згору од верховней управи. Наша держава за мала, же би, могла отримац 18 министеріох и тисячи їх званічничкох яки ми нешка маме. Векши и культурнейши держави як Англія, Француска Италія маю за половку меней министрох а заш управа далеко лепша як при нас.

Ту треба у першим шопре завесц шпоровносц а народни позланици су поволани, да укажу добру волю и добри приклад.

ція задала вопрос, да ше такой принеше закон, по котрим порції буду еднаки и влада ше зос тим соглашела, але ше таки закон муши добре скорей преуциц. Найвекшу бурю медзи посланиками дзвигла вист, же министр финансиїох надумал зменьшац їх дивурни. Ту ше указало шицко духовне худобство поединих посланикох и вибила їх себичносц. Бо кед ишло о тим да вони збиваю плацу и так слабо плацинем державним званічником и да дзвигаю порції на народни хрибет, теди векшина не була процивна, але кед ше роби о їх кишеньки теди дзвигли лярму.

Конгрес демократ. партії

Демократ. Давидовичева партія ма отримац дня 15 и 16 януара т. р. своєю главне собрание. Барз ше очекує, чи партія затрима и надалей своєю единосц.

Поновни суд Немцом у Бешки

Прешлого лета судзено 13 немцким жетельом зос Бешки, же привильовали австрийским власцом своіх селянох пре шпионажу. Австрийски власци прето дали штреляц дас 5 невиноватих Сербох зос Бешки. Суд у Митровици одсудзел трох Немцох на 8 роки цемніци а едного на 3 роки, других вишлебодзел як невиних. Векши суд одредзел поновни претрес при судбеним столу у Осеку. Списи у тей ствари чежки 20 кили.

Нови державни предрачун

Предрачун за 1927/28 рок виробени и министр финансиїох предложи го парламенту. Финансови одбор уж започне претресовац бюджет тих дньох.

Будоване работничих кварталех

Министер соціалней политики Др. Госар понукнул варошу Любляни кредит од 2 милиони динари на будоване туніх кварталех за работничох, але под тим условієм, же и люблянска опщина тиж тельо муши дац. Вон понукне и другим варошом под истим условіями и за исти цилі.

Нешесце у молги

На Дунаю велька молга так, же ладі чежко можу пловиц. При Београду една ладя, котра путовала до Панчева налещела на плітке место и розбила ше. Медзитим фришко им послата помоц и шицки ше спашели.

Пес винашол злодія

У валає Радинци покрадли непознати толває богатого земледілца Клаича. Нікто не могл винайсц шліду крадошом. Кед командант жандармерії привед свойого пса, вон винашол шлід. Ствари покрад сушед, на котрого би ше иншак нігда а ні не подумало.

Шпионажа у Южней Сербії

Полиция у Скоплю заварла вецей як 20 младих людзох понайвецей студентох високих школах, котри зос шицких крайох Южней Сербії. Вони шицки були организовани у тайней організації и помагали болгарских комитох, же могли плячкац и забивац по наших крайох. Шицки придани до суду и судзиц ше им будзе по Закону о заштити держави.

Награда од 100.000 динари

Мнистерія нукашніх Ділох одредзела награду од 100.000 дин. тим, котри би влапели злодійох цо забили генерала Ковачевича. Награда тераз подзелена медзи жительох среза радовишкокого. Найвекшу награду 15.000 дин. достал тот, котри перши злодійох видзел и приявел а вец шицки други, котри помагали лапац.

Огень у фабрики цукру у Ст. Сивцу

Прешлого тижня неназдавано догодзел ше огень у ново основаней фабрики цукру у Старим Сивцу. Випатра, же то нароком зробено, да ше фабрика уничтожи, бо ю основали сами производителе цукровей цвикали и вельку конкуренцію робела гефтим жидовским фабриком. Истрага ище не готова.

Организация комунистох

У околини варошу Сенти одкрита организация комунистох.

У нашом отечеству

Политическе положеніє

Тужба против председателя Вукчевича, котру задал Степан

Радич була у парламенту одбита. Тераз ше роби о томе, да ше премені пословник парламента, же би ше могло цо спорше робиц. Опози-

Поліція привела 22 земледіль- Суботици и придала их до суду, цох зос пустари Торньош до бо ширели комунизм.

Нашим предплатніком!

Модліме шицких наших предплатнікох, котри ище не намирели своєю длуство за нашо новини, най то дораз зроби. Не забудзме, же ше нашо новини отримую єдино зос предплату свідомих и просвищених Русинох! Пенезж послац на Руске Просвітне Дружтво Руски-Крстур (Бачка).
Управа Р. Н.

СПОМИН

То було у восточней Галиції. Наш родзени валал — розширел ше далеко и широко на широкей ровніни. Лето. Идзеш по драшки медзи полями. Непреглядни лави стриберного жита (ражи) помали згніаю ше од легкого витру. Шицко польо то окреми бразди одзелени єдна од другей. Кажда бразда ма другого властителя. Дагдзє ше укаже браздошка ярцу лебо овса, дас пар бразди кромплі. У здоровим, чистим воздуху шпива свою шпиванку мили шиковранок. Слунко грєв, не пече, додава сили, освижує чловека. То нашо руско-українське галицке слунко.

Валалчики (з хторих ше склада (валал-парохия) подкладали ше кривулясто медзи широкима полями, порезаними зос валалскими и польскими дильовами. Загради заградзени плотами, обсаджени брестами, тополями. Од драги вишневи садок, у садку студня. Пред хижку два яблоні, а вєц шлівки шором. Обиїсце зос улїцу до драги. Капурка зос крижом на штрєдку. З другого боку обиїсца желєзни пастовник зос журбоняцим струмочком.

Кадзи попатриш: заграда до загради, садок єден за другим,

а медзи нїма хижки зос сламнатима кровами, зос валькованими коминами, а далєй газдовски здания.

На хижки стої бузьок на єдней ноги, превраца главу на шицки страши и клекоче, а неутомни ластовки щєбєтаю и гущєнїци, хробачки до гнїздох под крови своїм малим ноша.

Недзєля! Рано задзвонєл дзвон, явєл людзом о святей недїлї, о богослужєню. Збераю ше помали старши и младши до церкви.

Церква на горбочку оградзєна зос прощами стої якраз у штрєдку медзи валалчиками.

Збераю ше до Церкви шицки, дома остане єдно допильновац статок и обиїсце.

„Недзєля — шветочни вираз лїца, шветочни настрої царює у нашєй родзєней руско-українськей хижки. Каждє поважно, святочно облєка ше и виходзи з истим настроєм з хижки и понагля до Божогу Дому. Стара мац вишла скорєй, же би на час сцигнуц и висповєдац ше. За ню пошол син зос жєну, а вєц младша — друга чєлядз.

Пришли до Церкви, побожно ше жєгнаю, бию поклони, на клєчаци ше модля, щиро, сми-

рено, зос виру, упованиєм. Побожни, сердєчни нашо людзє. Скончєла ше утриня; почала Служба Божє. Цала Церква полна полночка людзох. Шицким у шєрцу святе чувство о надземних — надприродних стварох, цо ше концентрую там при Божим олтару.

Св. Смеркба Б. скончєла ше и висипало ше множество народа зос Церкви. Полно людзох при Церкви и на дражє. Яки шицки радосни у шєрцу! На лїцох видзи ше щєсє, душевне задовольство тих добрих людзох. Врацаю ше дому у громадкох лебо повдинєм. Не єден, цо ишол до Церкви зармуцєни, обтерховани зос дневними бригами постал весельши, сцєли до роботи, до живота. Други зос гнївом у шєрцу на сушєда прє медзу, прє кошєнє, прє чкоду од статку, прє огварку у Церкви помирил ше у шєрцу зос ближним и єто, уж иду вєдно и сердєчно бєшєдує. А он син, брига родитєлюх, нераз їх барз засмуцєл и до бриги привєдол, приступєл гу оцови-мацєри, побочкал руки и прєгварєл: „Гату, мамо,

од нєшка вєцєй вас не зармуцим! а родитєлї од чувства очи уцєраю. А там чловека познати як нєумирєни у пицу, идзє дому и створєл одлуку прєстац зос пицом. Он чловека и жєна, хтори нє умиру, нє добре жили, иду вєдно дому, и єдно другого прєпитує и єднаю ше.

То справди душевни рай! Тото цалє щєсє, задовольство, мир, любов нашли людзє у Церкви, помирилє ше прєше з Богом и покаjali ше.

Тєльо добра дава Церква своїм вирним! Дава їм шицки душевни блага, дава їм культуру шєрца, роби їх благородними, добрима, правєднима.

О милє руско-українське сєло! О нашо родзєни спод шєрца виняти спомини! О добри наш сердєчни руско-українськи народ!

О спасоносна наша свята греко-католицка Церква! Водз и надалєй тот наш народ по цернїстєй драги животнєй злоби и зрєб, да вон будзє скроз благородни и достойни вєлького идеалу туземного: самостойносци и небєсного: вичнєй, небєснєй слави!
М. Ч.

ШИРОМ ШВЕТА

Француска и Югославия

Тих днєох ма ше подписац пакт прїятельства медзи Француску и нашу державу. Прєто министр Маринкович путує до Паризу. Политически круги видза у тим пакту вєльку гаранцию за мир у Европи.

Америка зменьшує порциї

Америцки министр финансий Мєлон прєдложєл парламенту, же би ше зменьшали порциї за 225 милиони долари. Бюджет прєшлого року указує чисти приход од 635 милиони долари, а того року 445 мили-

они долари. Єто так розумно газдує американє.

Краль Борис ше поврацєл

По длугим путованю по Европи поврацєл ше болгарски краль Борис дому. Вон путоває през Румунию а вєц зос ладю Дунаєм. Путує цалком приватно.

Чловека, котри ма 320 пасоши

Поліція у Паризу влапєла якогш Луя Кобивра, котри бивал по найрозкошнєйших хотєлох и плячкал путничох в ноци. У його кофєру нашли 320 пасоши так, же ше вон

ФЕЛЬТОН

Цо приповєда мой качмар?

На самим країчку сушєдного валала у наймладших годзинох днє заблїснул пламень лампи на облакох нашєй рускей карчми, чул ше лопот дзвєрох и нєодлуга появєл ше на нїх наш млади качмар розпатраюци, як да патрєл, чи уж наньго нє чєкаю.

Хладнє єшенське рано поздравкало цєплєй карчми и зос собу уцагло до нєй даскєльо бляди, од живота уж поорани лїца.

Стол, карсцєлї закричали, як да свої гнїв виражєвали, а погарки плакали, як дзєци, кєд их зос слаткого сна прєбудза. Вєц постал мир. Нїхто нє прєгварєл ані слово

— шицко ище дримало.

Качмар, кого гєсци лєм Митро волаю, шєднул на столїчок, локци упар до колєнох и своєю чєшку главу зогнул до широких дланьох.

Завладєла гробнацишина. Нарас качмар глїбоко сєбє одихнул. Хтошка му пригвари:

„Митрє! Чєжко ци? Прєлож на други бок!“

„Бомєк ми чєжко! — розприповєдал ше Митро и од слова до слова вон нам помалючки вилял шицко цо му шєрцо давєло.

„Дзєвєц войничох мам на квартєлю. Цалу ноц сом нє спал...“

Знаш, же дацо украдню?!

— „А яке! Та цо би ци удрали?! Озда даяку мишу зос хлїва? — прєрвє му хтошка.

— „Цо? Нє украднє!? Та украднє ци тот, гєч

лєм гвєзд зос дєски! Я знам! Ша и я бул катона...“

Кус уцїхнул, як да го чєшки бриги муча, вєц наставєл:

„Раз мє ше дзєшка так уквартєлєли и уж була ноц. Алє нам ше спанє нє лапало. Ми би єдли дацо. Найдзємє ми ци єден шудов — знаш прашє такє, котрє чловекови смак прави. Почнємє ми ци го лапац Па бєж тадзи! бєж тамац и раз лєм ми ци го влапимє. Заколємє и опалїмє. И кєд же ми ше влапимє єсц, нє придзє ци официр? Пришол. Лєм ци збачи нашо прашє, а нам аж до плачу. Такої нарєдзєл, да тото прашє придємє кухнї. Ми шунку, алє вон нє сцє, вон сцє лєм цалє прашє.

Цо будзємє?
На вєльку нашу молитву пристанє вон на шунку,

а ми вєц даї! Гєсц ше зос тим масним мєсом прєз хлєба!

До двох годзинох рано ми ци тото прашє сховали.“

— „А нє стануло ци до жалудка од нього? — Запита го хтошка од слушатєлюх.

„Та яке!? Бул сом здравши як тєраз.

Алє то нїч! Кєд змє уж поєдли тото прашє, були змє ище глєднєйши. Глєдамє ми ци дацо заєсц. Нашли змє дзєшка єден мєх и доцагли змє ше гу єдному курнїку. Мой пайташ виграбє ци ше горє и руца ми куру за куру до мєха. Вон ми руцєл уж даяки шєйсц кури, кєд ци я раз попатрим на жєм и видзим же ше ми при ногох цошка билєє. Помацам ци я мєх — Дябол ма там курох!

Мєх бул долу дзирави и

представлял вше под иншим меном, та ше го не могло легко влапиц.

Немецка сце по-жичку

Немецки министер Штреземан отримал бешеду у варошу Дрезден и гвари, же Немецкей потребна една пожичка од вецей милиярди, да ше подзвигне продукція жеми.

Кара смерти у Русії

Большевицка влада одредзела премењц закон, по котрим би ше нікто не шмел покарац зос шмерцу, але ше кара смерти претворюе на доживотну цемніцу. Медзитим познато, же при большевицкох шицко лем на паперу.

Схудли и умарли

У Чехословакиї основал Др. Шипек едно заведение, у котрим вон лічел тлустих своїх пацієнтох, котри ишли за тим да схудню. Вон при тим заробел вельки пенез. Але ше указало, же од шицких пацієнтох барз мале число остало у живоце. Полиція заварла заведение а Дра Шипека придала до суду.

Спала цали рок

Жена земледілца Нортгалтона у Англиї спала през цали рок и обисце мушело ю кармиц. По тим вона ше пагло пребудзела и зажадала, же би вї дали еси.

Будую найвекши мост

Зос НьюЙорку являю, же надрику Нидзон започали будовац

мост, котри будзе пайвекши на швеце. Тот мост составяц ма державу НьюЙорк зос державу Нью Джерси. Будованє будзе коштац 75 милиони долари.

Як ше розвива Берлин

Главна варош немецкей републики Берлин по велькосци треце место на швеце и цо до жительствох приходзи дораз по НьюЙорку и Лондону. Варош ма 6.000 улїци, 445 мости 90.000 хижи, 1 и пол милиона обисцох и 518 гекти загради. У єдним року було 32.000 винчаня.

Автомобилом до Австралиї

Тих дньох ма прејсц през нашу жем австралски ученик Францис Битлес. Вон путуе зос своїм автомобилом з Паризу аж до Австралиї. Вон ше наздава, же уж у мешацу априлу будзе у своїм варошу Мелберн.

Нови воєни англійски ладї

Англійски новини являю, же Англия того року започне будовац 18 вельки воєни ладї. Трошки за будованє виношовац буду 11 милиони и 700 тисячи фунти штерлингу.

Нещесце на железници у Италиї

При талиянским варошу Бари палецели два швидки железнички вози єден на другого. При тим нещесцу пашли смерт вецей як 106 особи а велї ранети.

До знаня!

Жаданю велїх членох „Рускей Просвити“, да ше „Руским Новином“ знїжи цена на 70 дин. годно ше лем так задоволиц, кед ше назбераю коло **1000** претплатники.

Понеже вельо обецали на Главней схацки у Шиду, же буду у своїх валалох о тим робиц, то ше замодлюю тоти ч. панове найнових претплатнікох приявя Р. Н. П. Д. до Керестура до 1. януара 1928. Кед ше число подзвигне на 1000, цо би ше могло з добру дзеку лехко створиц „Руски Новини“ — буду за 70 дин. рочно! Инак док нет лем 500—600 шорово плацаюцих претплатнікох муши остац 100 динари.

Председательство

Р. Н. П. Д.

Мих. Мудри.

Як у Мексику?

Англійски новинар Francis Mac Cullagh, котри препутовал цалу мексиканску жем описуе страхоти, котри су на дневном порядку так: „Гоненїе котре католиці церпя у Мексику єст найчеже у историї по царови Неронови. Цали краї жительствох умераю а чежко подумац як возможна така мержня на човека пре його виру. Як оштра цензура, не мож а ні виповесц. И ту Cullagh оштро протестуе против америцких конзулох, котри су цихо на шицко, цо ше догодзуе у Мексику.

О мученикох ше вельо приповеда, але права слика їх одважносци и шмелосци така свитла, же тот новинар одредзел, познейше докладно винесц шицко, же би людзе увидзели, до яких вельких ділох св. вира може оспособиц човека у нешкайши часи.

Од кеди гоненїя у Мексику тирваю, заостала индустрија и тарговина. Вельки пристанища випатраю як мертви, 50 проценти промету спадло. Земледїлство спадло на нулу. Даєдни краї претворели ше до пустинї. Земледїлцом однята жем и придана фабрицким роботніком, але и тоти роботніци сцекаю зос Мексика як зос хижи, котра у пламену. По службених вистох до 5000 особи дневно зохабя Мексико. До конца мешаца августа уж 3 милиони житепюх виселело ше до злучених америцких державох, а на їх места приходза Кинези и Японци. Влада ше трудзи на шицки способи да населї жидовских земледїлцох, але тоти дораз сцекаю, на

кеди ступя до Мексика. Особено виганяю страних новинарох, да не пишу правду о Мексику. Нешка нїєден новинар не може швету обявиц кирваву правду, яка пануе у тей жеми.

„Римска свитова кореспонденція“ явля, же мексиканскому народу одняте право вири, гласа, маєтку, работи и бешеди. Неморал ше шири як нігда скорей. Варош Тампико праве пекло неморалу, а исто так и варош Тиюна. Вецей як 50.000 хорих препущено самим себе и цигурней смерти, бо катол. шестри зос шпитальох вигнати. Сами англійски лутераньски новини гваря, же Мексико пре гоненїя постал найбиднейша жем на швеце. Там нїч не бизовне. Шицки англійски дружтва предаю шицко, лем кед найду хто би купел. Мексико то жем страцених надїох и недотриманих обещункох.

Тот новинар описуе так першого порадника председателя Калеса. Човек од 40 до 50 роки. Вельки, широки, тлусті. Баюси як щетка, брада обривена а твар намасцена. Як цо и його шеф походзи тот порадник од местикох (мишана раса билих зос жовтима). Облечени до униформы, вше зос револьвером и у канцеларії вельо оружїя и корбач. Надалей гвари Cullagh, же вони немаю поштованя гу закону ягод и буяк. Хто им мало сумнїви, дораз го заштрелї и без суда. Цо сом видзел, отворено гварим, же горше як в Русії.

И таку владу у Мексику явно у своїх новинох хвалї С. Радич.

Зос наших валалох

Р. Керестур

† Георгий Манойлов

В недзелю вноци умар по длугей и чежкей хороти познати наш перши руски дзіяк и учитель Дюра Манойлов. Покойни службовал у Руским Керестуре вельо роки як учитель и дзіяк. Трудзел ше вельо не лем да шпиванє у церкви будзе найдокладнейше, але вельо робел и на просвітним полю. Организовал народни шпивацки хор, котри указал красни успихи и дал вецей концерти. Крем того занїмал

ше вельо и зос пчоларством, па написал и у нашим календару вецей добри статї. За каждого мал милу бешеду и добру пораду. Пре його вше веселу натуру и точносц у церковней служби медзи народом уживал вельке почитованє. Виховал красну и числену фамелїю, а од його дзецох тройо службу у нашим Керестуре як учителя а єден на подкарпатох як священїк. При участвію велього швета поховали на вовторок пополадню.

Най му будзе вични спомен!

ЧИТАЙЦЕ

„РУСКИ НОВИНИ“

так кури през нього випадовали. Но але тераз сом уж сподок завязал и неодлуга мех бул полни зоз курами.

Но цо будземе тераз робиц?

Почнеме ми их скубац. То тирвало длуго. Надумам ци я теди дрец и о малючки час ми шицки кури одрали. Поруцаме их до гаряка и кед були уж уварени, лем ци задуе команда. А ми месо стрепеме до чайкох, чайки привяжеме на нашо гатижаки и маширали ми так до поладня. Слунко було горуце. Коло поладня масне месо почало ше топниц, а масц чурела нам по хрипце.

Лем да ти то видзел!!

*

Задзвонєло скло похара.

Качмар уцихнул...

Станул и пошол гу єдному столу. Г.

Опщински виберанки

Р. Керестур.

При општинских виберанкох були выставени 2 листи. Народ не указовал довольно интересу за виберанки, бо гласали лем 561 жителе. Вибрани су слѣдуюци: Янко Макай, Михал Надь, Никола Рац, Василь Худак, Дюра Шимко, Дюра Рац, Дюра Еделински, Шандор Макай, О. Михал Мудри парох, Йовген Гудак, Дюра Будински, Янко Надь, Дюра Гарди, Дюра Роман, Ферко Фа, Дюра Джуджар, Янко Рац, Денчи Сабодош, Василь Сабодош, Денчи Пап, Василь Дудаш, Осиф Фа, Янко Чакан, Штефан Сегеди, Янко Хома, Мойсей Провчи, Янко Планчак, Михал Ерделі, Илько Винай, Янко

Тиркайла, Михал Дудаш, Михал Лазар, Осиф Будински, Осиф Рац, Грицо Колошняй, Йовген Колбас, Янко Панкович, Дюра Бесермині, Симун Чапко, Янко Холик.

Коцур

При виберанкох достали Немци 244 гласох и 11 заступникох, Русини 521 23 заступн. званични радикали 133 гласи и 5 заступникох.

Дюрдьов

Гласало ше на два партиі. Една листа була званич. радикалох, достала 437 гласи и 18 заступникох, и друга листа демократского блоку, у котрим були заступени нашо Русини достала 543 гласи и 22 мандати.

Цо гутори Архангел Гавриїл Мариї Діви?!: „Сей будет велий, и Син вишнего наречется, и даст ему Г. Бог престол Давида Оца Его, и воцарится во дому Яковлі во вики: и царствию его не будет конца!

Троме кральове з истока питаю ше у Ерусилеме: „Гдї ест рождейся цар юдейски?!

Народ Израїльски признава, же Исус, Месія, краль и зато го вита на квитну недзелю у Ерусалим: „Осана! Благословен грядий во имя господне. Цар Израилев.“ (Ийон. 12. 13.) „Не бойся дщи сионя, се цар твой грядет, сидя на жребяти оси.“

II.

Сам Исус Христос явно исповида, же вона наисце краль, котри ма право закон давац, судзиц и карац. На вопрос Пилатов: „Цар ли еси ти, одвитуе Исус торжественно: ти глаголеши, яко „Цар есм Аз“, Правда, же мойо царство не таке, як вашо царство „од мира сего“, котри маю як свой цель; добробитие людзох на тим швецѣ. Я ше старам за вашо вичне щесце; но и я цар над вашима душами, над вичним добром.

Исус Христос вельо раз научовал о свей царской власти, и творел ю пред своїма апостолами, так на пр., кед их посилал до швета, да научую народи, и кед гварел, же на концу швета придзе судзиц живим и мертвим т. й. тим цо го дочекаю на тим швецѣ, а цо воскресню зос гроба.

Цо даклем видзимо зос писма святого?!

Исуса як царя наivistую пророки, Исус виступел пред шветом як цар, Исуса народ признава царом, Исус посла апостолах по швецѣ, да ширя його царство, и Исус приходзи на концу швета як цар цалей вселени, да судзи!“ Яко воцарится Г. Бог вседержитель“, бо вон „Цар царем и Господь Господем“. Апокал. 19. 17.)

Яке е Христово царство, и яке щесце приноси роду нашому, о томе другираз.

Мих. Мудри.

Нашо претплатніци

На 1927. рок уплацели предплату слѣдуюци п. п.

Янко Медеши Р. Керестур 100 дин. Янко Юхик Р. Керестур 100 дин. Ефрем Дудаш Р. Керестур 50 дин. Александер Планчак 100 дин. Данил Рац 100

дин. Дюра Макай 100 дин. Янко Надь х. нум. 902. Р. Керестур 100 дин. Янко Брундза Коцур 100 дин. Марія Сакач Коцур 50 дин. Михал Пельха Коцур 50 д. Михал Ерделі Р. Керестур 100 д. Яким Хайдук Р. Керестур 100 д. Янко Надьордь Петровци 100 д. Петро Надьордь Петровци 100 д. Діонис Фейса, Коцур 50 д. Янко Стрибер Коцур 100 д.

Виправ!

Чесни п. Андри Малацко зос Америки послал за Руски Календари, 3000 динари а не 5 долари и 50 центи як то хибно було явено. Най же на многая!

БЕРЗА

Берлин 1 злата марка	13.55 д.
Будим. 1 пенги (pengő)	9.90 „
Италия 100 лира	316.— „
Букарест 100 лей	34.— „
Лондон 1 фунд. штер.	276.— „
Нью-Йорк 1 долар	56.80 „
Париз 100 франки	224.70 „
Праг 100 Чес. кр.	168.— „
Акции З. К. Б. Д. Д.	325 „

Тарговина

Жито	292.— Д
Кукурица	210.— „
Хмель	5—6.000 „
Мука нулерова	435.— „
„ хлебова	400.— „
Млеко литра	3—4.— „
Качки	35—60.— „
Гуски клюкани кг.	65—90.— „
Говедзина	16—20.— „
Швиньске жесо	20—22.— „
Цельчина	28—30.— „
Сланіна сушена	22—25.— „
Швайцарска 1 франк	10.95 „
Виден 1 шилинг	8.— „
Наполендор 1 ком.	218.— „

Цветочни отпочивок

Недз. 22 по Сош.
Лук. Гл. 17. Зач. 83.

Рече господь причу сію „человѣкъ нѣкій бѣ богатъ“ и облачашеся въ порфиру и виссонъ, веселяся на вся дни свѣтло. Нищъ же бѣ нѣкто именемъ Лазар, иже лежаше предъ враты его гноенъ, и желаше насититися от крупницъ падающихъ от трапезы богатаго но и пси приходяще облизаху гной его. Бысть же умрѣти нищему, и несену быти Ангелы на лоно Авраамле: умре же и богатый и погребоша его. И въ адѣ возведъ очи свои, сый въ мукахъ узрѣ Авраама издалеча, и Лазаря на лонѣ его. И той возгласъ рече: отче Аврааме помилуй мя, и послы Лазаря, да омочитъ конецъ перста своего въ водѣ, и устудитъ языкъ мой: яко стражду въ пламени семъ. Рече же Авраамъ чадо, помяни, яко восприялъ еси благая твоя въ животѣ твоємъ, и Лазарь такождѣ: слая: нынѣ же здѣ утѣшается, ты же страждеша. И надъ всѣми сими, между нами и вами пропасть велика утвердися, яко да хотящии преити отсюду къ вамъ, не возмугутъ, ниже отуду къ намъ переходятъ. Рече же: молю тя убо оче, да послеша ево въ домъ отца моего, имаю бо пять братій, яко да засвидѣтель-

свуетъ имъ, да не и тѣи прїидутъ на мѣсто сіе мученія. Глагола ему Авраамъ: имутъ Мойсея и пророки, да послушаютъ ихъ. Онъ же рече: ни, отче Аврааме, но аще кто от мертвихъ идетъ къ нимъ, покаются. Рече же ему: аще Мойсея и пророкъ не послушаютъ, и аще кто от мертвихъ воскреснетъ, не имутъ вѣры.

„Аще Мойсея и пророкъ не послушаютъ, и аще кто от мертвихъ воскреснет не имутъ вѣры“.

Наш Мойсей т. й. вода, избавитель од рабства египеткого т. й. од нужди моральной и телесней е Исус Христос. Син Божий, обещани Месия, Спаситель и Одкупитель Швета од вичного проклятия. Вон нас водзи до жеми обещаней зос рабства египетского. Од нуждох наших не годни зме ше вибававц без „благодати Г. нашего Исуса Христа“, як нам нешка у Апостолу гутори апостол народох, Св. Павло.

Тоти нужди, цо нешка прицискаю род человечески, походза од того, же швет постан неверни Исусу Христу. Охабя його заставу, и гледа себе лепшого войводу, цо би му тобож принесол щесце, мир и блаженство. Но, даремна трудба! Христос е едины до Бога Оца поставени Цар и Пан, хтори нам може и сче помочи. Кед його не будземе слушац, як своего Мойсию Н. Закон препадне.

Почитајме святы слова у Евангелиї, и там найдземе ясно вичрено, же Исус наш Началник и краль, и же нѣт другого темелю, на котрим бм мали будовац себе щесце и мир.

ОГЛАС:

У МИКЛОШЕВЦОХ предавам подполни колесарски алат од мойого покой. мужа М. Сивча.

МАГДАЛЕНА гдова СИВЧ.